



Pou Piblikasyon Imedya: 31/05/2022

GOUVÈNÈ KATHY HOCHUL

GOUVÈNÈ HOCHUL ANONSE NOUVO SOTI GRATIS "SOU KANAL YO" NAN SISTÈM KANAL ETA NEW YORK LAN

Pwogram pandan tout ane a retounen pou ete a avèk plis òf

Nouvo soti yo gen ladan penti, kwazyè ak avanti adapte ki aksesib

Gouvènè Kathy Hochul te anonse jodi a lansman yon novo sezon soti gratis "[Sou Kanal yo](#)" (On the Canals) nan sistèm Kanal Eta New York la. Kounye a, nan twazyèm ane li, pwogram Iwazi gratis sa, ke Otorite Enèji New York ak New York State Canal Corporation sipòte, ofri opòtinite inik pou dekovri vwa navigab yo nan sistèm Kanal la ak [Santye Empire State](#) ki toupre a. Soti ete sa yo "Sou Kanal yo" gen ladan kayak, siklis, kwazyè, penti, obsèvasyon zwazo ak aktivite aksesib tankou rame ak pedale.

"Mwen kontan pwogram gratis sa ap retounen pou yon twazyèm sezon epi pa kapab panse sou yon pi bon fason pou pase ete a olye "Sou Kanal yo", piske aktivite Iwazi sa yo mennen Nouyòkè ak touris nou yo nan vwa navigab ak santye nou yo epi ede sipòte ekonomi lokal nou yo", **Gouvènè Hochul te déclare**. "Kòm moun ki navige souvan sou Kanal la epi ki navige nan kayak ak pedal pandan de premye sezon 'Sou Kanal yo', mwen konnen dirèkteman kijan opòtinite Iwazi sa yo fòmidab. Mwen pa ka tann novo sezon sa ki pral ofri eksperyans inik k ap pèmèt fanmi ak moun tout kapasite jwi sistèm Kanal istorik nou an".

Pwogram "Sou Kanal yo" sezon sa a chita sou siksè de premye sezon yo nan elaj kalite aktivite li ofri, ogmante patisipasyon nan ofri plis soti sou yon peryòd pi long ak ogmante kantite lokal atravè sistèm Kanal la kote soti yo fèt. "Sou Kanal yo" pral prezan tou nan plizyè festivl ane sa, avèk ekipman adapte ki disponib pou moun eseye. Itinerè yo pou sezon sa gen ladan:

- Rame/pedale nan Brokport avèk ekipman adapte ki disponib
- Atelye rodeyo ak reparasyon sekirite bisiklèt nan Buffalo
- Vizit istorik sou bisiklèt Black Rock la nan Buffalo
- Bisiklèt idwolik ak kayak Akedik Kanal nan Medina
- Lapèch ak Kayak nan Chit Medina ak Lak Glenwood nan Medina
- Espò rame pou timoun sou Kanal la nan Oswego

- Entwodiksyon nan navigasyon kayak ak sif pou rame kanpe nan Oswego
- Rame nan kouche solèy ak Urban Paddle nan Oswego
- Tè imid Montezuma: Nan rechèch èg Ameriken nan Montezuma
- Penti sou Kanal la (Anplennè) nan Amsterdam ak lòt lokal bò kanal la
- Atelye STEAM pou timoun ak jèn nan Schuylerville ak Utica
- Kwazyè bisiklèt ak bato nan Schuylerville
- Vizit siklis nan Shuylerville ak zòn alantou yo
- Vizit kayak gide nan Buffalo, Nò Tonawanda, Waterloo ak Macedon
- Vizit bato istorik yo nan Schuylerville, Herkimer, Buffalo ak Lak Seneca
- Kayak pou jèn ak sekirite nan dlo nan Macedon
- Entwodiksyon ak siklis ak antretyen bisiklèt nan Schuylerville
- Rame/pedale nan Halfmoon

Prezidan ak Direktè Egzekitif Jeneral pa Enterim Otorite Enèji New York la, Justin E. Driscoll, te deklare, "Pwogram soti 'Sou Kanal yo' ofri yon itilizasyon inovatè pou sistèm Kanal New York la ki te ensite vwayajè yo vizite ak dekouvri li pou sa li ye toutbon - dlo pitorèsk ak sante yo ki gen yon istwa rich nan ofri opòtinite san limit pou eksplorasyon ak Iwazi. Mwen rekonesan anvè Gouvènè Hochul dèske li kontinye envesti nan kanal nou yo epi mwen sèten ke soti sa yo pral kontinye fè sistèm Kanal New York la se yon fòs pou kwasans ekonomik ak Iwazi".

Direktè New York State Canal Corporation, Brian U. Stratton, te deklare, "Mwen fyè anpil pou m rejwenn Gouvènè Hochul ak kòlèg nou yo ak Otorite Enèji New York la pandan n ap ofisyèlman lanse soti ete 'Sou Kanal yo' ane sa avèk nouvo òf ki fè pwogram sa pi aksesib ke jamè. Sistèm Kanal nou an se yon pati fondamantal nan istwa eta nou an epi tout Nouyòkè ak vizitè yo ki vini chèche edikasyon, avanti ak amizman ta dwe pwofite tout kapasite li, epi mwen ankouraje tout moun tout laj ak nivo konpetans pou pase ete yo nan dekouvri vwa navigab ak sante 'Sou Kanal yo' New York ki pi istorik".

Sila yo ki enterese aprann plis sou pwogram "Sou Kanal yo" oswa pou enskri pou yon soti ka fè sa lè yo vizite [sitwèb](#) "Sou Kanal yo". Gen soti anplis ki pral lanse pandan ane a.

Pwogram "Sou Kanal yo" sa ki te lanse dabò nan ete 2020 kòm "Vakans nan Kanal NY" (NY Canal Staycations) te elaji kòm yon inisyativ Iwazi pandan tout ane a nan Eta New York apre patisipasyon an te apeprè triple an 2021.

"Sou Kanal yo" jwenn finansman atravè Otorite Enèji New York ak inisyativ *Reyimajine Kanal* Canal Corporation lan - yon inisyativ 300 milyon dola pou revitalize sistèm Kanal la tankou yon destinasyon pou touris ak Iwazi pandan l ap an menm tan ranfòse devlopman ekonomik la ak amelyore rezistans kominote yo bò kanal la.

Sistèm Kanal Eta New York la, ki bay eksperyans inik ak san parèy, ofisyèlman ouvri ane sa pou 198yèm sezon navigasyon konsekitif li nan mwa me.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)